

## NOTTINGHAM-SHIRE.



Incolniensi Comitatu ab Occasu confinis est qui multo minor, Comitatus Nottinghamiensis Saxonibus *noctengaham-rycne*, nobis *Nottingham-shire*, à Septentrione Eboracensi, ab Occasu Derbensi, & alicubi Eboracensi, à

Meridie Leicestrensi terminatus. Partem Meridionalem, & Orientalem *Trent* flumen nobilissimū, influentesque rivuli fecundant: Occiduam partem saltus de *Shirewood*, longe se porri *The Sand*: gens totam occupat. Hanc, quod arenosa sit, illam, quod argillacea, *The Clay* vocant incolæ, & in has duas partes regionem suam distribuerunt.

*Trenta*, Saxonice *Treonta* (quam *Triginta* Latine quidam minoris notæ antiquarii, ob affinitatem Gallici verbi, quo ille numerus designatur, appellarunt) longe itinere emenso, ubi primum se in hunc agrum intulerit, & primum *Steanford*, ubi multa priscae vetustatis vestigia superesse, & Romanos nummos inveniri accepi, & deinde *Clifton*, quæ familiæ antiquæ *Cliftonorum* & sedem & nomen dedit, præterfluxerit, *Linum* amniculum ab Occasu fucipit, qui exoriens juxta *Newsted*, id est, *Novus locus*, ubi olim

Monasteriolum posuit Rex Henricus Secundus, nunc vetustæ familiæ *Buronorum* sunt ædes, qui à Radulpho de *Buron* primis Normannorum temporibus, hoc in agro, & Lancastrensi florentissimo sunt oriundi, fertur proxime *Wollaton*, ubi ædes prospectu lætissimo, & summo artificio sane magnificas maximis impensis Fr. *WVilloughby* Eques auratus inani opum ostentatione, nostra memoria extruxit. Deinde *Lenton* alluit, quondam cœnobio quod S. Trinitati posuit Guilielmus *Peuerell* filius Nothus Regis Guilielmi *Conquestoris*, nunc tantum nundinis frequentibus celebratum. Vbi altera in ripa ad ipsos fere *Lini*, & *Trenta* confluentes, declivi situ locum habet, quæ

nomen Comitatu præbuit, urbs præcipua *Nottingham*, emollito verbo pro *noctengaham*. Sic enim Saxones dixerunt à subterraneis speluncis, & meatibus quæ in receptacula, & habitationem excavavit antiquitas sub præruptis illis faxis in Australi parte qua *Linum* fluviolum despectat. Vnde Saxonice hoc *noctengaham* interpretatur *Asserius* Latini *Speluncarum domum*, & Britannice *Tui ogo bauc*. quod idem plane denotat. Urbs est loci ingenio amœna, hinc ad flumina spatiosa procumbunt prata, illinc faciles confurgunt colles; omnibus etiam quæ ad vitam pertinent copiosa. Hinc *Shirewood* lignum in ignis alimentum (licet fossili carbone male olenti multi utantur) illinc pisces *Trenta* large suppeditat. Vnde barbarum usurpat versiculum:

\* *Trenta*. *Limpida sylva focum, \* Triginta dat mihi piscem.*  
Amplitudine denique structuræ, tribus elegantibus templis, foro longe pulcherrimo, & munitissimo castro est sane speciosa. Castrum illud prærupta petra ad Occidentale urbis latus attollitur, quo loci arcem quondam fuisse credi-

tur, qua Dani freti *Ætheredi*, & *Ælfredi* obsidionem pertulerunt, donec illi rebus infectis, obsidionem solyerint, & vasa conclamarint. Cum enim Dani hanc occupassent, *Burthredus Merciorum Rex*, (ut author est *Asserius*) & *Mercii nuncios ad Aetheredum Occidentalium Saxonum Regem*, & *Aelfredum fratrem dirigunt suppliciter obsecrantes, ut illis auxiliarentur, quo possent contra præfatum pugnare exercitum. Quod & facile impetraverunt. Mam illi fratres non segnus promissione congregato ex omni parte immenso exercitu, Merciam adeunt, & usque ad Snottengaham bellum unanimiter querentes perveniunt. Cumque Paganis tuitione arcis muniti bellum dare negarent, & Christianis frangere murum non suppetebat, pace inter Mercios & Paganos facta, duo illi fratres cum cohortibus domum reversi sunt. Postea vero Edwardus Senior villam *Bridgesford* è regione posuit, & mœnibus, quæ jam corruerunt, ipsam urbem inclusit; quorum tantum reliquias ad Occiduam partem vidimus. Paucisque interjectis annis Edwardi scilicet Confessoris tempore, ut est in Censuali illo Angliæ libro, *CLXXIII* Burgenses numerabantur, & de duobus monetariis *XL Solidi Regi* solvebantur. *Aqua etiam Trenta, & Fossa, & via Eboracum versus custodiebantur, ut si quis impediret transitum navium, emendare habuit per quatuor libras.**

Castrum autem, quod nunc cernitur, & author, & operis magnitudo nobilitant. Guilielmus enim Normannus ad Anglos frændos extruxit; *naturaque & manu ita munitum erat* (auctore Guilielmo Neubrigeni) *ut sola inedia, si defensores idoneos habeat, expugnabile videatur.* Posteaque Edwardus III magnis impensis instauravit, & splendidis ædificiis adornavit, quibus & manum Richardus Tertius admovit. Nec temporum inclinationibus communem magnis castris fortem subiit, nunquam expugnatum. Frustra semel obsessum ab Henrico Andegavensi, quo tempore ædificia adjuncta succenderunt prædiarii. Semel etiam ex improviseo captum à Roberto Comite de *Ferrariis* in bello Baronico, qui cives omnibus fortunis spoliavit. Castellani multa referunt de Davide Scotorum Rege in hoc captivo, & Rogero de *Mortuomari*, Marchiæ Comite per subterraneum meatum hic deprehensio, qui, quod fidem in patriam præ Scotis nummis vilem habuerit, & alia scelera vasto animo designarit, postea suspendio periit. Certe in prima castri area per multos gradus descendimus lumine accenso in cryptam subterraneam, & concamerationes ex ipso saxo excisas, in quarum parietibus scalpuntur historiæ passionis Christi, & alia, manu, ut ferunt, Davidis Secundi, Regis Scotorum, qui ibi in carcerem conditus. In superiori vero castri parte quæ sublime in rupe surgit, per plures gradus in aliam etiam subterraneam cavernam devenimus, quam *Mortimers hole* vocant, quod in ea delituit Rogerus ille de *Mortuomari*, cum jam mali conscius sibi male metueret. Cæterum hæc urbs Polum Borealem *LIII* grad. sublimem aspicit, ab ultimo vero Occidente *XXII* partes, *XIV* scrup. numerat.

Hinc

1175.  
Reg. Ho-  
veden  
pag. 307.

*Mortimers hole.*  
Mortimeri latebra.